

宋

史

翼

宋史翼卷二十

護案錄卷之四前巡按使商諱權通判高州府推官孫運使商諱道西級臣陸心源輯

列傳第二十

循吏三

任宗誼

汪儼

王汝舟

程邁

韓復

高元常

李執

王復

毛友

黃子游

喬大臨

章元振

孫時升

張瑄

黃徹

滕膺

凌哲

夏穎達

向伯奮

富元衡

趙子麟

羅棐恭

張震

樓瑋

路彬

潘時

方擴

任宗誼字仲宜博平人以父任爲太廟齋郎調亳州  
鄧縣令用薦通判沂州除知淄州天性明吏事在官  
務核實不肯便文自營鄧有民椎埋剽攻敗則行錢  
詆譎數得脫前令不能制因事殺之以徇有盜羣行  
入境微得其處會尉不在宗誼部分方略以授主簿  
日往取賊受賞以君有母故爲君得主簿感激如教  
盡獲之訴久不竟若寃不能自直者摘其要害躬爲

鑄論無不厭服日所受書檄與凡小爭訟區處立決  
廷無留事獄戶可羅雀豪惡吏屏氣竟歲無敢犯大  
觀元年卒年五十九

學易集知瀋州任公墓誌

汪愷字伯彊徽州婺源人弱冠入太學爲諸生有能  
文聲紹聖四年解褐調常州晉陵縣主簿累除添差  
通判饒州饒有酒官郝陞者出軍伍怙勇挾奸持郡  
短長郡守不能制而深怨之會盜侵旁郡舉城皆奔  
陞之子亦佩劍出城爲關吏所錄守卽誣以叛并其  
父械於獄將斬之愷曰急遽時以刀劍自衛人情也  
可盡誅手持之數日陞與其子皆免除知常州漢陽

軍吉州未行移知處州未幾復移撫州撫州民許以  
女歸其鄰久矣既而悔之一日白官女死於兵半年  
請署爲異日之信愷立械其人於獄僚屬愕然愷笑  
曰女誠死不白官也必女家不良其夫欲盜吾判耳  
請爲諸君致其女明日而女果出人以爲神歷知袁

州江州主管台州崇道觀起知全州卒

汪藻存  
溪集

王汝舟字公濟婺源人生三歲而孤不好戲弄纔冠  
登第性豁達以風節自喜所不合不肯降色詞知南  
劍州時沙縣獲強盜十三人已殺其魁餘十二人皆  
當死汝舟閱牘得捕盜官利賞增入其贓之狀三日

而決皆免死以治行第一除知建州後又知虔州自京東移河北朝旨降樣市北珠奏言真宗時詔益州市錦六千疋知州趙稹止市千疋至天聖中仁宗因稹奏對獎其恤民臣元符初在京東淮省符市錦未幾移河北又拋買北珠一珠之直至九十四千陛下卽位之初聖政一新錦與珠如不可罷猶願詔有司損其數以留難得之錢少助經費疏奏卽日有旨罷之自江西徙夔州路提點刑獄告老而歸歷官十七任餘五十年未嘗言笑閑居閱六歲安臥而逝年七十九汝舟內行修事親父母孝繼祖母胡氏沒季父

持喪百日而卒汝舟時守南劍上言諸父無在者臣  
以適孫乞解官接服以終三年下禮官議詔特聽之  
因著爲令始筮仕南豐曾鞏贈以詩曰身役簿書雖  
擾擾力窮文史尙桓桓李清臣嘗勸習大科不願晚  
號雲溪翁有文百卷手所校書萬餘卷

新安志

程邁字進道歿南屏人登元符三年第爲仁和尉以  
捕盜功改秩知西安縣部使者督諸郡水旱積欠郡  
因移文督稅之畸零逃絕者邁曰衢州數年無水旱  
何積欠也守不能屈由是他邑皆免徒知鹽城宰相  
劉正夫薦之除提舉江西常平歲稔募流民浚東湖

水患爲息繼除直祕閣以忤中使李彥輓職高宗卽位遷太府卿除集英殿修撰知福州建賊葉儂楊勅范汝爲等作亂邁且招且捕所向悉平惟范汝爲未下乃使降寇張毅守古田責以立功度大將辛企宗等終不能平賊密請王師航海五日可至庶一戰滅賊章十餘上始從之賊平請錄死士掩露齒給膏從無歸者粟及田廬選循吏以撫綏之留廣東舶米五萬以寬民賦留大軍三千以鎮壓餘黨閩境以寧進徽猷閣待制知温州黥平陽吏四十人他縣猾吏望風遁帝謂宰相日程邁温州之政光絕前後今之吏



師也紹興七年議復發運司以邁充使邁以任重權輕力辭不許乃置司平江尋權知府事邁以和羅終無補於國請罷之就除知鎮江府兼沿江安撫使鄱陽歲饑多盜帝憂之以邁知饒州至則手條寬恤三十餘事揭於州門又奏蠲舟車征算增米價以招商賈不踰月米大至價爲損半而民食以足盜亦潛消復徙温州修舉廢墜詔書褒美進顯謨閣直學士再知福州州有舊招安賊首二百餘人以使臣虞羈縻之郡人側目邁因戍兵還朝盡遣歸樞密院聽差使尋罷奉祠卒所著有漫浪編五卷奏議表啓三十卷

詩二百餘篇

清熙新安志

韓復字辨翁陵州井研人登進士第調瀘州尉盜殺人而執舍甥子掠服之令謝病不敢予奪復釋之而趣捕盜出將刑者非真盜已而果然改秘書省著作佐郎知玉臺山寺務司五臺供施傾天下惡少年多竄僧籍中上下囊橐爲姦復摘其魁宿置於法會軍興辟河東轉運司勾當公事部使者懼乏役皆須一調十復請峻期會法而調以實民用不擾再遷鳳州典滯補敗寬而不弛郡以最聞是時民冒茶禁日或千人至有貼妻賣子入償不足而繫有司復上其狀

皆得釋尋通判鳳翔卒年五十七

山谷文集  
韓君墓誌

高元常字復明世家符離用恩爲將作監主簿徙嘉  
興丞嘉興劇縣令不任事則求持檄出旁郡訟牒如  
山元常暫領其事一朝剖遣立盡先是佃戶斬輪主  
租訟由此多元常揭而書之曰田人田嗇其入權且  
奪田民競往償訟於是衰守吳安世黷貨私委令市  
竹元常語令毋受令阿安世飭其欲後安世繫獄令  
欲告之元常曰前戒君毋受受而告之可愧後轉奉

議郎

晁補之高  
元常墓誌

李執字彥淵富春人崇寧二年登進士第中大觀三

年宏詞科時試新建書學記以國朝會要所檢閱改  
官刊正謚法進秩宣和初提舉廣東市舶居官守廉  
直自歎理財非長然舶場珍貨一毫不取未幾舶商  
輻湊召回盜邀之及胙篋隨行書帙而已盜亦斂在  
退避時兵戈擾攘執輿親歸里奉祠其後提舶與執  
殊轍紹興間舶商遂以執嚮來清節聞于朝除比部  
郎序遷吏部誥詞有曰執也清秦檜欲以子與執女  
爲婚執卻之遷將作監檜屢遣子就學執曰吾爲天  
子卿監豈爲宰相教子遂旬外持憲閩部易江東旣  
忤權臣累奉祠不復榮望卒年七十七執淡泊寡欲

廉直之節載在國史晚年謂貪與癡已絕獨嗔未盡  
去因勝小室曰去嗔有去嗔居士集

咸淳臨安志引李太監行實登

科記宏詞總類  
涪州志

王復字景仁涪州涪川人以門蔭補官歷兩浙轉運  
副使方臘初叛所過守將望風奔駭復下令所部嚴  
保壘修戰備竭力討賊屢戰有功賊平擢徽猷閣待  
制遷都轉運使朱勔以花石奉艮岳多取漕艦以載  
號直達綱復曰今寇起倉卒飛輓繁困而佞幸之徒  
猶欲以苑囿惑上心固執不與復疏奏謂必不可以  
不急之務疲民費財擢龍圖閣直學士後贈資政殿

學士諡壯節

盧浦  
筆記

毛友字達可西安人少游太學與郡人馮熙載盧襄  
號三俊擢進士第崇寧間守鎮江方臘已殘睦欵監  
司猶不以實聞友奏言之朱勔怒其張皇友遂監觀  
其謝表曰兩郡生靈已罹非命一道使者猶謂無他  
陳瓘聞之以書譽於親舊曰蔽遮江淮阻遏賊勢斯  
人有助也

宏治備  
州府志

黃子游字叔言

八閩通志作字叔偃今從墓誌  
又續通鑑長編誤以爲實孫

福建

浦城人少以伯父實蔭授承務郎宰之就逮也子游  
訟冤於朝乞納告身贖罪京滋怒子游號訴益力由

是知名大觀三年八寶恩循登仕郎調相州儀曹建  
炎初客南京歐陽澈以上書忤宰相黃潛善棄市子  
游適與同邸收而葬之澈子飛英年纔十四子游傾  
囊輟所乘馬鬪其歸未幾補穎州汝陰令時軍需繁  
拏雖許預借夏稅而歲迫暮不能辦子游召民諭之  
曰某戶當受錢買絹若干今計汝所輸夏稅留錢而  
給鈔汝歸徐以絹來民皆聽命守下其法於諸邑公  
私大以爲便四年避地歸閩道由嚴州之朱村土豪  
守險者盡掠其賞州守柳約將以軍法窮治子游力  
止之朱村人繪像以報紹興元年召監左藏西庫車

駕自越州移蹕臨安子游銜命先渡江經度臺省倉庫所在畫圖以進後者不能易尋權度支郎官擢江東轉運判官呂頤浩都督江淮諸軍請以子游爲隨軍轉運安撫使與子游有憾密奏子游留滯糧餉罪且不測參知政事沈與求曰軍前無奏而他司言之必讒也已而果然猶坐奪一官改知台州徙池州台產鹽池產茶奸吐囊橐其中重法不能禁子游治以輕典人不忍犯池屬縣曰青陽僞唐時爲宋齊邱食邑後因田租定稅額畝輸三斗多於諸縣十倍或七八倍子游還奏曰國家涵養斯民二百年矣忍使青



陽獨用李氏弊法乎詔減苗稅二分有半課米二分  
凡歲蠲錢千百糶米萬七千石久之致仕積官至右  
朝議大夫乾道三年卒年八十有八累贈奉直大夫  
周益公黃

公墓誌

喬大臨政和三年爲海鹽令時平江朱勔以花石得  
幸浙江之西一花一石不問何人家朱氏蒼頭排闥  
而入以黃紙封之戒主人曰善護御前物蒼頭至海  
鹽入僧房將盡封花石僧徒少拂其意卽筆之訴於  
縣大臨命追逮杖十餘人朱氏誣勔之坐是罷免治

嘉興府志

章元振字時舉福建崇安人政和五年進士厯潭州  
寧鄉令帥臣曾孝序廉其能調長沙改知徽州休寧  
縣丁方臘之亂元振極力撫綏屬嚴州寇繼發督兵  
捍禦縣賴以安移知泰寧縣詳見後知潮州悉革蠹  
弊民爲謠曰長言法到葵關住今出葵關到海陽久  
之改知肇慶府以治行聞遷諫議大夫提舉廣南東  
路常平茶事兼東西路鹽事自秦檜當國除吏多親  
故元振與檜同登第甘於遠宦未嘗以私書干檜銜  
之前知潮州時監司薦元振狀上檜但籍記中書而  
已至是稍錄之元振卒不與通

福建  
通志

孫時升字子亭丹陽人登政和八年進士第主泰州如皋簿教授保定軍省罷爲杭州刑曹掾值方臘作亂而其註誤甚衆悉平反之訊囚不委胥吏杭人有訟咸願送孫搯獄認爲清改秩知江寧府上元縣簽書鎮江軍節度判官廳公事就知金壇縣不赴知建康府句容縣其爲縣也事之細大必親或病其苛時升曰君謂王衍爲何如人吾爲親民官當事事與民接若徒拱手清談寃者衆矣上元有從臣不輸賦歲仰役戶代輸時升捕繫其人正其罪俾盡輸所負自是疆宗懾服句容當聚斂之後取民無藝時升平其

槩量閩邑權呼通判濠州還遂告老時升爲吏明敏  
精練平居自奉儉薄出入無僮馭或問之指鄉民曰  
吾固與若等也性直諒中無嶮巇有不盡言如茹物  
不下故舊貴者輒不見建炎假援家數百指獨全晚  
以田園自娛預治棺衾除冢地年七十有四無疾而

終人以爲賢德之報

京口耆舊傳

張瑄字子律寧州真寧縣人大父居擢元祐六年進  
士徽宗嗣位下詔求言時爲黔州彭水令上疏切直  
會蔡京入相取疏奏次第之置姦黨上等特降官永  
不准改官瑄以郊祀恩入官調贛州會昌縣主簿會

昌與梅州比境梅移文捕逃卒卒已亡去巡檢司乃發卒圍其所親李杞舍杞雖其鄉以爲恥諾聚謀亂令託辭委縣去以印屬瑄瑄不爲動械巡檢卒繫獄親爲檄諭杞以禍福杞皇恐聽命縣賴以無事調潭州右司理參軍有老卒夫婦居牙城中白晝爲人所屠而掠其資卒有義子兵官疑之執送州且以同處之卒及牧羊兒爲證旣繫獄瑄親詰之皆詞服公察其寃他日取牧羊兒寘壁間引義子者與他重囚雜立庭中出兒問孰爲殺老卒者惜無以對乃入白州請揭厚賞募告眞盜不閱日獲之則卒王青也捕至

具伏且得其貲於市庫無遺卽日釋義子去湘鄉縣  
械鋪卒張德上州以爲手刃其叔祖瑄引至前語之  
曰茲罪十惡赦宥所不及汝兄與叔同居汝暫自外  
來有何憾而戕之德泣曰囚來省叔祖不得見兄以  
疾告就視則死而非疾也方愕視兄與里正及鄰人  
共謀執誣之且以言脅誘謂決不死今乃知死矣因  
稱冤不已瑄亟呼其兄與對兄情得語塞遂伏辜他  
死囚類此得不死者十有七人以薦主管官告院進  
大府寺丞文思院火告身綾無在者士大夫不以時  
得告身建援故劍便宜以雜華綾紆目前從之請外

乃知嘉興府民張瑄得臨安營妓與之歸遂欲棄妻  
出于其兄止之復悖兄兄以告官瑄爲逐妓歸臨安  
且以大義開諭之於是瑄爲兄弟夫婦如初摘發隱  
伏照了如神良民雖相與化服而姦豪之讒作矣改  
主管建寧府武夷山冲佑觀卒年六十有四

渭南文集

黃徹字常明莆田人宣和六年進士初授辰溪丞就  
升令在任五年以才諳稱調沅州軍事判官攝倅事  
郎將汪長元與猺酋有隙酋鼓眾數萬聲言渡江乘  
城人心恟懼徹奮不顧身入其巢穴曉以禍福悉愧  
懣謝罪一州賴以全權麻陽縣遭巨寇曹成之擾徹

率羣獠拒敵擒其將賊眾宵遁復權平江令帥漕交  
辟處之賓幕平江士民詣都督行府乞還任未幾卽  
眞時湖賊楊么鈔掠數郡邊絕水道官軍距州數舍  
地險艱於轉餉徹慮糧食不繼預設巨艦令民輪租  
其中得米千餘斛乘風而前賊引數十艘尾逐會官  
軍至隻舟不得返因降其眾賊壘遂平秩且滿有權  
貴寄產於縣境爲民患者徹按以法乃陰排之徹自  
以不善諾俗委官而歸

楊邦弼撰墓誌參  
湖南通志及閩書

滕膺字子勤宣和中爲台州戶曹參軍時陸寇方熾  
聲震東南守丞以下皆遁膺獨慨然自任卽日移書



訣其父母昆弟而閉其妻子於官舍悉召州人諭以利害人人感泣思奮乃亟下令發兵守險增陴濬隍分屯列柵爲死守計旣而呂師囊亦起仙居爲賊響應先後攻城凡數四膺皆應機設械立摧破之手弓臨城殪厥渠魁賊遂退走而城卒全慶元初州人上其功敕賜義靈廟至今祀焉

赤城新志

凌哲字明甫吳縣人宣和中進士高宗朝自明州通判召對擢爲御史數日遷右正言初周望守平江金兵入寇望遁去以罪責死連州至是其家自陳詔復故官澤及其子哲因追數望棄城罪惡竟寢其命及

上疏論秦氏親黨因緣科第有妨寒峻進取之路又  
奏王會前知湖明二州及移平江恃權貪酷乞投竄  
遐裔以爲慢令賊民之戒會竟編管循州遷左司諫  
吏部侍郎兼侍講以敷文閣待制知台州遂退歸鄉  
里十餘年卒年八十六哲爲人澹約自守雖處侍從  
不啻寒素非時未嘗至郡鄰有茶肆日爲市井俚俗  
所聚哲徙避之人服其德量目爲凌佛子

盧志

夏頴達德興人甫冠舉於鄉補太學生靖康初金兵  
至上命李綱與之決戰執政惑和議諷臺諫劾罷之  
頴達率同舍生陳東劉銓等六十餘人伏闕上書復

用綱張浚開闢江淮留幕下浚命其子枋授經術後  
奏補惠州文學遷鄂州蒲圻縣丞改知吉州龍泉縣  
歲大饑郡守希轉運使意不聽民訴災民遮潁達馬  
號泣以請詣府陳之不許因趨出悉取民所訴狀屬  
吏按行阡陌先蠲其租自詣轉運使得蠲恤屬邑效  
之移知清流縣數月以憂免

人物志

向伯奮字元伯樂平人以蔭補官攝開封脫死囚甚  
眾靖康國難伯奮監在京市易務時帑藏充羨金人  
求索旨令押本務物輸之伯奮憤惋止用藥物雜品  
數輦隨以往詞直色厲金人信不疑尋聞偽詔棄官

去高宗召知建州帥襄陽擒劇賊李彥猷王大漢甚著威聲當路薦其才召對陳四事上偉之孝宗嗣位擢戶部侍郎奏兵貴精不貴多黜老儒選精銳使人人可用則兵不冗財不匱尋得劉權王宣竊發廣右起知靜州伯奮威名素著至則約日出降後改知筠

州復祕閣修撰

人物志

富元衡字公權吳縣人幼入太學有聲擢進士第調隨縣主簿建炎初爲襄陽撫司機宜都督張浚以才薦改秩爲諸王宮大小學教授大中正丞紹興十一年以宣教郎知江陰軍十二年詔諸路州學委守臣

修葺具次第驛閭元衡出緡錢五十萬鳩工掄材庸  
閭民以服役閭戶而功成管辨盜之不應死者全活  
數十人皆感泣改與國軍二十六年知袁州逾年遷  
湖南常平改利州路提刑蜀舊例監司交饋不下數  
千緡元衡悉拒不納再移湖北專以平反爲心隆興  
中召還中途遇盜行李爲之一空帥李師顏餽以匣  
金元衡不啟緘謝絕之除工部郎中嘗曰吾家以清  
白相傳今不翅足矣疏乞骸骨詔以內閣奉祠制詞  
有知止不殆之語元衡因揭知止名其堂以慶禮成  
賜金紫官至朝散大夫卒年八十六元衡守節清慎

終始不渝做蘇軾書能逼真尤善柳葉篆

盧志

趙子嶙字公遠建炎三年知湖州時金人南侵所過輒下或空城邑去之子嶙初至慨然言曰朝廷所以立方面置牧守豈適爲平時計哉亦惟一旦緩急免斯民於阽危爾指城池言曰吾知死所矣已而敵勢日張鄰郡之民或走險阻以自固邦人請於子嶙子嶙曰非計也湖水鄉爾我能往寇亦能往將安避迺躬率將士戮力乘城艱難辛苦同之天寒日晏士卒未食不敢食中夜以興疾風暴雨不避人皆感勵願以死守敵勢益迫號令益精明眾恃以無恐德闔門

二百七言曰守土吾職也不敢顧其家敵來吾以身  
先之爾曹同一死爾從容暇豫無異平時或謂敵且  
浮舟而來乃募多人水行以鑿敵艦誅巨木沈廢舟  
以絕間道短衣毀服出入民間民之利害纖悉得聞  
民有負薪及門門卒難之因留不與子麟聞呼門卒  
痛懲之且謂曰一束薪細事爾平時強取於人猶不  
可今何時耶豪強斂手一毫無犯倉卒遭變乃應之  
從容智略輻輳雖平時出入兵間者自以爲不及也  
事甫定宣撫使謬用武臣楊應臣來代父老遮道閉  
關不能留御史以民言告於上四年五月上黜應臣

還子嶙於郡會轉運使督緡錢十萬餉劉光世軍而  
堂帖隨下謂州故貸椿管錢二萬緡米七千斛期以  
十日盡償子嶙言民力不支請先軍需後償欠遂劾  
子嶙侮慢貶秩而罷仲并浮山集趙公生  
祠記參周必大記賊乾道五年  
立生祠於顏魯公堂東偏談志引  
舊編

羅棐恭字欽若吉水人建炎進士授虔州司理參軍  
宣諭使命鞠賊賊富且黠故有以持有司至是復餽  
錢二十萬求脫棐恭竟論殺三十人移潭州平反死  
獄十一人遷荔浦令荔浦民輓粟五千石餉宣州棐  
恭言於轉運司曰縣抵宜州絕遠不通舟楫輓餉不



便改知石城構捕宿盜七十人減民稅紹興二十年  
簽書道州軍事朝旨命鞠邵州民張臣駟獄初臣駟  
爲讎誣與賊通獄吏得賂力主讎家遂起大獄連坐  
者三百餘人瘐死者七十人黜而流者二十八人沒  
入貨產者十八家棊蒸廉得其實正獄吏罪而前獄  
盡得釋通判贛州俗憎女生則溺之乃作溺女戒文  
下十邑悉禁民之溺女者隆興初胡銓力薦於朝授  
左朝奉大夫知武岡軍以疾卒其學選於名數字書  
有詩文三十卷行世

吉州人  
文紀略

張震字真父廣漢人嘗爲臺諫多所建白元豐官制

置軍器監又有御前軍器所建炎中以大闢董慤提舉未逾年卽罷之紹興五年始隸工部後復以中典領孝宗受禪增益提點官一員以內省都知李綽爲之改稱提舉詔御前軍器所專隸提舉其隸工部等指揮勿行震時爲御史力論其不然且言軍器所不治令工部按劾措置可工部不職罪之可也今使內侍掌之則他日吏部有銓量之弊戶部以至兵部軍政之弛刑部獄訟之繁亦將盡以中官領之耶繼又論近日大小飛蝗地震皆小人紊政之象其不可有因乃命隸工部上初卽位劉度入對首言龍大淵

曾蒙滯邸舊人待之不可無節度臣欲退之而陛下  
欲進之何面目向爲諫官乞賜貶黜震時爲中書舍  
人繳其命至再遂除震敷文閣待制知紹興府震力  
辭具言若苟借爵祿以爲榮而喪其名節之實在公  
議誠所不容望除一在外宮觀不許震屢辭職名并  
遺史丞相書云臺諫有言而不行給舍受職而請罪  
況越之爲郡近在肘腋它時爲所陰中重慮聖知曷  
若保全使得善去越日上批張震除職已有成命累  
上辭免特從所請可與外祠從其本意改知夔州爲  
政以利民澤物爲先嘗修補大晟樂及忠武侯祠皆

自爲記乾道初吳璘爲宣撫使議奏綱馬陸路勞費  
厯峻嶺亂石之間馬多道斃請以舟載而東上命夔  
路造舟與之震力論其不可上曰第令造舟與璘他  
日有損壞皆吳璘自辦事遂行其後峽江湍險軍士  
素不諳習一退灘磧人馬覆溺于是驅沿流之民爲  
之操舟所齋衣糧皆遺劫奪所過雞犬爲之一空虞  
允文代璘爲宣撫使備陳其利害乃詔川路馬船日  
下廢罷蓋自璘建請之後利夔兩路沿江十餘郡之  
被其害者三歲而後得免後知成都府卒于官

繩絲

樓璘字壽玉一字國器

樓璘字壽玉一字國器  
嵩嶽圖伯父生於元符二年

小名異之子以父任得官佐婺州幕州歲貢素羅數  
日嵩民不能輸璫爲州將作奏自詣行在所具言利  
頗多民不能輸璫爲州將作奏自詣行在所具言利  
害朝廷爲損其數州縣輸納至者多不省輕重予奪  
在吏璫以其多寡所當出者大書揭之民甚悅蘭溪  
大猾造亂璫卽日行縣盡得其情誅之除知於潛縣  
劉岑撰墓誌 篤意民事爲耕織二圖耕自浸種以至入倉  
凡二十一事織自浴蠶以至翦帛凡二十四事事爲  
之圖繫以五言詩各一章章八句雖四方習俗閒有  
不同其大略不外乎此未幾朝廷遣使巡行郡邑以  
課最聞尋又有近臣之薦賜對之日遂以進呈卽蒙

嘉獎宣示後宮書姓名屏間圖改通判邵州墓志除行

在審計司圖廣州賈胡訟市舶使無狀上命選使者

參知政事孫近薦璿遂提舉廣南到官盡削前弊較

量珍貨使賈胡自持權衡諸蕃咸服墓志紹興十五年

爲福建市舶樓鎗撰蔣慝荆湖北路南路淮南路案

改作淮東三轉運判官其漕湖南適安撫使以病死攝州

事獄訟淹滯一日而決遣之時以戶部所降滴乳爲

道里費璿言諸朝罷之淮南殘於兵多曠土朝廷令

起賦璿第以墾耕者聞無一毫加增墓志二十五年案

撰馮恭人歲月記紹遷知揚州兼淮東安撫使況

與乙亥余叨守維揚義莊

記  
明年春馮恭人主管台州崇道觀遂致仕積官右

朝議大夫爵奉化縣開國男食邑三百戶墓志璿持節

十有餘載所至多著聲績圖襟度高勝喜與雅士遊

樓鑰跋伯父所藏畫卷晚自揚州歸畫六逸四賢圖以寄興樓鑰

跋六逸家居優游自適墓志置腴田五百畝義莊記取范

仲淹規模爲義莊以活宗族之不給者濱江有堤壞

以錢百萬倡率里人共爲之三十二年卒年七十二

墓志子鏗字仲宏資孝謹事親敬遇臧獲亦未嘗失色

嘗受詩於柯宋英宋英亟稱之鏗子淵文辭蔚然鄉

評甚休由承議郎知浦江縣歷五任所至以賢稱職

事無不辦

齊人墓志

廉介謙恭

樓綸送從子

行已無毫髮

之玷云

齊人墓志

路彬字質夫晉陽人紹興間提點廣西刑獄所至輕身輒先詣獄悉記所繫名數隨取到館按問之枉者立釋或諷以憲體宜肅彬曰天子設提刑豈欲盡驅人死地乎州縣不良或以立威吾不親往爲理非行部使者職也且肅在親政豈在深文哉人皆服其言時上供布錢過重帥漕皆不言彬獨抗章請減一路稍輕桂人張仲字追述其事鐫之中隱山壁

文載

潘時字德郵婺州金華人以叔良貴任以爲登仕郎



累遷南路提點刑獄除直祕閣知廣州主管廣南東  
路經略安撫使司公事將行猶嗾郴州用度不足多  
橫賦以供軍驛致巨寇前後非一請下漕司通融補  
助以息後患廣東地接郴桂汀贛之境四州之民一  
踰嶺貿易折閱卽相聚爲盜大羣至數千人時入境  
適捕得渠卒八人卽斬以徇曰三日而去者吏不得  
格期外不去復捕如初於是皆散有梁氏兄弟者招  
納亡命前後殺人無數而掠其貲以致富交通州縣  
吏不敢詰民患苦之號爲四彪時擒捕誅殺汙潛其  
居宅盜望風破膽大奚山斗入海中寇攘所聚雖良

民亦以魚鹽爲命急之則散入賊中不可禁所從來  
久至是新置都鹽使者銳欲禁之檄水軍逐捕時曰  
水軍專受帥府節度非他司可得而調也且爭小利  
起大盜將誰使任其責耶卒拒去不爲發良民旣少  
安乃陰募其酋豪使以捕賊自効由是盜發輒得有  
功者爲奏補官鬪死卽官其子而重責其坐視不赴  
救者官屬不幸死者厚贖歸存沒老稚無一人流落  
如是三十餘家士族女失身非類贖而歸之終朝議  
大夫直顯謨閣卒

粵大記朱子大全集

方擴字端之

艾軒集作端立晦庵集作端正今依閩書

福建莆田人曾祖

慎微贈吏部侍郎父希叔累贈右朝散大夫擴登紹  
興二年進士第調南雄州保昌縣尉南雄州接壤汀  
贛人多梗悍歲不熟卽去爲盜擴嘗一至賊壕暮不  
遽入有來覘者擴熟寐達旦乃發柵盜皆摺伏而散  
左司諫韓璜尙書郎林說先後持節廣南交口譽擴  
不置循從政郎差補建安縣丞用薦者知閩縣移知  
溫州平陽縣轉承議郎賜五品服擴爲邑如治家舍  
竟日坐庭中聽訟鞭撻無所用悉達其情郡守苛急  
夏稅輸一絹率至萬錢擴以爲賦調倍蓰寧忤上官  
不可苦百姓力爭之旣而侍郎張九成尙書王大寶

相繼守溫卒如擴議時有部使者按縣以平陽政有善狀同九成大寶白於朝得旨增秩通判臨安府累遷朝奉大夫求外補出知岳州州爲沿江表裏重地擴條上利害十三事大略以內治爲急而後攻守可其次第施行識者臆其言孝宗登極恩轉朝散大夫乾道元年主管台州崇道觀明年卒年六十擴通今嗜古同郡鄭耕老林光朝龔茂良劉夙兄弟皆敬重之積官至二千石自奉如布衣惟以周貧恤舊爲務有友人赴調貸之錢三十萬未至而其人歿擴卽以此錢贖其喪其篤於行誼多類此子二伯達贛州信

宋史翼卷二十一  
豐縣主簿仲忽撫州司戶

艾軒集方君墓志

宋史翼卷二十一終

男樹

校字



黃洵

蒲堯仁

張奭

李訖

宋煜

孫翊

傅大聲

黃齊字義卿臨桂人紹興二年進士調賀州富川尉  
迎父表中就祿養值盜曹成寇攘齊懼遺親憂自奮  
擒獲七十人磔之縣以安堵第功改京秩僉判柳州  
再僉知昌化軍賜對具言桂林潛藩多俊秀而賓興  
之數狹地瘠民貧而折納之輸重詔增鄉貢三人減  
軍輸布錢九百萬有奇鄉人利之紹興三年自肇慶  
來攝新州踰年種刺竹圍城一千二百餘丈胡侍郎  
銓爲記其事先是鄉民之貧死者猶附於籍富厚者

多避事役齊榜諭之且置大櫃於州門令民自投戶  
數於中限滿折封於戶口覈實賦役均平民以不擾  
後知廉州舊有珠池齊奉詔罷貢禁采珠是歲珠溢  
池外其卒范成大爲誌其墓張栻爲之題額云

文載

李守柔字必強臨桂人紹興間與兄守卓相繼登第  
爲雷州海康令初趙鼎南貶前令王超以故相禮之  
秦檜廉其狀株連守柔十年不調檜死始倅邕守武  
臣御下嚴衣糧不時給將大閱眾洵洵不靖守柔勸  
使移病爲攝州事下令發帑廩給諸將引首亂者斬  
之軍中肅然後知梧州宜州最後知新州卒

金志



樊光遠字茂實錢塘人少從張九成學紹興五年南  
省奏名第一八年除祕書正字九年光遠上疏言臣  
竊觀今日士大夫之論莫不以金人詭詐爲可憂臣  
獨曰詭詐不足憂而信實深可懼也臣願陛下勿以  
得地爲喜而常以爲恥勿以甘言爲悅而常以爲憂  
勿罪忠讜以養敢言之氣勿喜迎合以開濫進之門  
勿盡民力宜愛惜之以固根本勿阻士氣宜聳動之  
以備緩急十年八月秦檜將遂休兵罷爲閬州教授  
二十六年召爲祕書丞俄時引對光遠言頃年大臣  
挾權修怨不平其心臺諫之所排擊法寺之所燬煉

告許之所中傷其間又有因責降而死者夫嘗與聞  
朝廷之政親陪甘泉之班矣及子而無一命之祿宜  
聖心之所深憫望明詔有司凡曾任執政侍從死于  
責降而子孫未有官者許令自陳與復官職錄其子  
孫上曰甚善當令看詳檢舉上又曰朕與卿不相見  
今幾年光遠曰臣得外任逮今十有六年上曰朕所  
以令卿上殿欲除卿察官光遠頓首辭于是遂除監  
察御史二十七年遷工部員外郎尋請補外知興化  
軍二十八年除福建路提點刑獄二十九年十月徙  
知嚴州時三衙誘略近郡平民爲軍三十年光遠奏

乞禁止今後遇有闕額均下諸州軍招填詔三衙自  
今止以見管兵爲額光遠又言本州歲輸御爐炭七  
萬四千五百斤而不償民間之直上亟爲罷之  
咸淳臨安志

方翥字次雲福建莆田人六歲而孤多所通解書一  
過目卽貫通下筆有奇軼語從兄略造萬卷樓儲書  
千二百筭語翥曰次雲才性不出戶十年可移吾書  
入肝膈矣翥登紹興八年進士調閩清縣尉到官未  
一載歸而闔戶盡讀略所藏書凡三十年無干進意  
有司以聞得旨召對除祕書省正字方給札時院吏

先送策題翥卻之曰何待我之淺也發策者遂以三國六朝形勢戰守爲問庾辭僻事若傲以所不知者翥一揮六千字條列縷析如響答聲凡陳壽王隱孫盛習鑿齒沈約魏收諸書所載無毫粟漏失閱卷官讀之大驚甫九月以風聞論事聽外補卒於家翥爲學不株守章句悠然有得性雖高亢而能虛已以下人初與同郡林光朝鄭樵善約光朝借樵新書讀之客錢塘時光朝語及嵇康阮籍李白石曼卿之爲人欣然慨慕翥曰此數人來孔門恐一日著腳不得今有一等人物可同出於舞雩之下則翥也惟恐後矣

光朝愧悟自是益敬重翥兄事之翥與鹽官施廷先  
居最久廷先者將樂楊時再傳弟子也故翥所學有  
淵源建陽朱子道甫與翥相見嘉其說理精細退而  
思之至忘寢食其爲名儒推服如此

福建  
通志

張敦頤字養正婺源人紹興八年進士爲南劍州教  
授陞宣城倅攝郡事先是郡奉朝旨汰養老之卒七  
百人一日以不給麥羣譟廷下敦頤好論之卽敕吏  
曰州倉無麥以常平麥代之眾謝而退因密疏爲首  
者七人姓名白之省悉從軍令歷守舒衡二州致仕  
所著有韓柳文音注編年六朝事蹟衡陽圖志初敦

頤在南劍與朱韋齋友善邀與還鄉韋齋以先業已質於人對敦頤許爲贖之及韋齋卒敦頤以書慰文公於喪次而歸其田百畝焉郡人義之及卒附祠文公家廟弟敦實紹興五年進士歷任監察御史知無不言戶部退駁鄉邑編萬六千疋敦實抗疏至再有旨收付左藏後遷樞密院檢詳諸房文字兼直慶王府贊讀以老歸所著有奏稿宏詞

徽州府志

張維字振綱一字仲欽福建劍浦人紹興八年進士調汀州推官秩滿改龍溪縣丞陞知閩縣乾道三年擢廣南西路提點刑獄自金人通好維嘗貽書宰執

略言符離之役失於輕舉而人心終不以爲非四郡之棄急於休息而人心終不以爲是今當修明政事俾天下曉然知朝廷未忘中原之念及是入對遂勸孝宗以立志爲先且引益之所以解舜者以謂不可狃於小康便稱太平語甚切至孝宗嘉納且俾察部內守令臧否以聞維請以政平訟理爲臧以政不平訟不理爲否凡臧之品有三否之品有二詔頒其法於諸路令監司帥臣歲終各以其實聞於朝維到部按行郡縣海外荒遠靡不周徧官吏有望風解印綬去者還臺條上臧否若干人卽日施行就除直祕閣

知靜江府兼廣南西路經略安撫司拊循普洽奏減  
經總之額日取滯訟故牘便坐閱視予奪咸得其情  
有暴橫若亡匿者立誅斬南丹獠莫氏賂結永樂王  
氏藉兵以逐其兄而自立既立背約王氏以兵攻之  
莫氏困急請輸並塞田及銀冶稅場乞師救援寮屬  
皆以爲受之便維曰莫王連兵正坐貪爾今乃以啗  
我耶國家爲夷夏宗主屬國不奉條約當以義詰之  
於是遣一小校持檄往諭二酋頓顙受命卽日釋兵  
或告昭州故盜甘文誠謀叛去郡給執文誠至欲寘  
諸法維察其非辜撫遣之未幾象郡獠反使者欲調



兵逐捕維曰官兵入箐歷險與猿猱角勝負非計也  
遣裨校戍山口且以文告之稽曰前年殺凌鐵往年  
殺王宣今年又殺甘文誠非從若招者耶誰聽命維  
遣文誠示之則皆大喜遣子入謝罪進直徽猷閣留  
鎮五年孝宗方謀北略移軍建康使者謀作屯營不  
如指乃調維江南東路計度轉運副使營屯事竣就  
加祕閣修撰以寵其勞江東歲和糴以備儲積先是  
嘗糴三十萬或以予直太高而捐其半維力爭不能  
止至是復以命維且曰監前失毋傷民維奏曰前事  
之失民以陛下爲不知故獨歸怨有司今既知之乃

曰姑以爲監而不能償則天下將有以空言疑明詔者矣尋召入奏事留爲尙書左司郎中事有未便屢詣都堂坐白或曰瑣瑣非朝官體維曰都司助調鼎鼎幾微所關若視吏簽擬輒涉筆書不置可否安用我輩丁艱免喪除司農少卿再入都司維委稟端裕不見喜愠祿稍所入悉班族里數厯中外聲績藹然卒以持正故爲當路所抑不大見於設施論者惜之

晦菴集右司

張公墓誌

何耕字道夫世居漢州之綿竹後徙德陽耕從外祖史彬學警敏異常兒張行成任慥皆奇之省試第一

紹興十七年進士充彭州學教授孝宗卽位移成都  
路轉運幹辦汪應辰以文章典雅科薦俄通判成都  
府擢知蜀州撫摩善良繩治奸猾郡以大治頃之丁  
憂耕出居僧舍自號恬菴畸叟以布裘鐵環竹杖等  
五物爲五友若無意於世者免喪齡年青州羌寇沅  
黎虞允文爲宣撫使檄耕守雅州諸司調西兵來戍  
耕曰蠻敢侵邊貪吏實啟之其患在外今多屯兵必  
損郡旣不滿意必內訌是腹心之疾也守誠潔已奉  
公戒城寨常無贖貨生事訓練州兵優恤土丁蠻何  
足患其後八年黎境再擾調兵益眾果作亂人服公

先見知果州改嘉州課學爲諸郡最除潼川府路提  
點刑獄作論民詩四十一篇語平易而教化寓焉郡  
邑皆有其書強暴犯法父老必譏曰汝不誦何公詩  
乎往往知誨消熙五年召對令恢復四事且曰願陛  
下內定其志外修其具考其實事無聽其虛言無畏  
難于今成功于後上曰卿所言盡之矣拜倉部員外  
郎累遷國子祭酒秘書少監太子侍讀丐外知潼川  
府請祠未報十年九月卒年五十七耕恬于進取未  
嘗造請登第三十年始召爲郎趙雄雅敬之而耕不  
甚親雄之罷爲所引者往往被逐獨耕不染物議雍

容而去時人稱之有文集百卷

省藩文集參  
朝野雜記

趙善佐字左卿福建紹武人登紹興三十年進士歷  
將樂縣丞累遷知秦州未幾知贛州將行以書問朱  
子政所宜先朱子以所聞告之至則歎曰民所病者  
尙不止是也值歲大旱禱祠賑貸必盡其力節遊宴  
罷土木寬諸縣逋負捐市人酒課常時州郡別以使  
臣掌牙兵善佐罷之而歸其職於兵官責以嚴紀律  
謹訓練營部肅然州人相率以治行上使臺善佐亟  
諭止曰太守德薄政荒不能布宣天子德意使早至  
此父老不以爲有罪則幸矣何善之可稱亟歸教爾

子弟孝於親弟於長忍小忿敦大信以善其俗天暑道遠毋苦往來爲也聞者感歎益相告戒毋違令涖熙十二年卒於官善佐初在長沙從張栻遊受其學以歸其後待次遭憂閒居累年尋釋舊聞講習不倦而尤究心於易其於進退得失之際漠如也

福建通志

字文師獻字德濟成都人考粹中任尙書左丞以恩補承務郎差監潭州南嶽廟考滿知漢州德陽縣丞差四川安撫使司幹辦公事會詔從臣各舉所知楊椿以師獻博學有守聞張浚言於朝遷知簡州移知綿州綿爲大州適承頽弛之後帑庾匱甚師獻獨整

科條察蠹弊節用度未幾而經常不缺郡舊有冤獄  
個人殺主之僕而誣其主外臺執偏見不釋主家死  
於獄者三人其他亡辜逮繫死者又以十數方春天  
爲雨雪地爲震歷兩使者不能決更送師獻所詳究  
其牘得情數語折之個人引服致之法事益省卽理  
緝學校與其士者行鄉飲酒禮使敦長幼之節在郡  
再歲樞密使王炎宣撫四川以請改知閬州閬故常  
爲宣撫所治地尤重事且夥師獻先立規模上下趨  
令惟恐後率以夜漏未盡數刻秉燭出視事不以爲

勞洎熙元年卒年四十有七

南軒集

鄧深字資道湘陰人紹興進士試中教官入爲太府丞輪對論京西湖南北戶及士大夫風俗高宗嘉納提舉廣西市舶以親老求便郡知衡州茶陵安仁溪峒之盜望風帖息擢潼川潼鹽酒虛額久爲民害請於朝蠲川引四十七萬守令貪虐劾奏之虞允文貽書不畏彊禦思濟斯民挺然之操未見近比後以朝散大夫終於家愛居東湖之勝建閣曰明秀有文集

十卷

永樂大典引古羅志參萬姓統譜

沈度字公雅儀真人

朱子崇安社倉紀參揚州志

居德清

范成大

有過德清往公雅考室語

案揚州志以爲播之曾孫播本德清人故公雅復居德清也

紹興中



令餘平田無廢土市無閒居獄犴無宿繫民謳歌之  
江西通志隆興二年以考功郎中除直祕閣知平江府乾

道二年七月召赴行在上曰甲申之歲委卿守吳門  
未幾治行昭著可謂得人又曰二年以來水滂軫憂  
惟恐懼修省以百姓爲念耳度奏臣到郡水歉艱食  
蒙陛下捐四萬石馬料以賑濟全活甚眾上曰太守  
措置漢宣帝所謂與我共理者其惟良二千石乎卽  
以爲中書門下檢正諸房文字  
王鑿姑蘇志乾道四年以  
直龍圖閣知建寧府當是時朱子居崇安與鄉士劉  
如愚創立社倉度以錢六萬緡助之  
晦菴集崇安縣五夫社倉記

乾道九年以權兵部侍郎兼臨安少尹涪熙改元除  
權兵部尚書旋除龍圖閣待制在外宮觀

咸涪臨  
安志

家炎字季文父任主金州石泉縣簿知潼川府郫縣  
通判敘州知富順監知資彭普三州郫縣二十年皆  
攝令人疑其不利虛正寢弗敢居炎至新其寢以將  
母渠廣劇賊羅從義爲民害旣逮瀘帥欲徙之沈黎  
以責後用炎言黎接六詔萬一從義走夷中是資寇  
也帥動色爲改之抵富順之明年曦以蜀叛炎憤惋  
至忘養寢母問故炎具以對且曰萬一變作守城臣  
當死爲母憂奈何母曰死城郭分也非吾憂炎乃夜

自爲書告本道使者吏竊稿去炎不問馳使四出及至敘敘守薛君九齡亟和之至帥府帥府布其言十四州已而叛勢鴟張皆沮且怖炎不爲變曦誅亦不自言宣撫使安丙上富順抗僞事請知開州薦充監司炎辭起知資州宣諭使吳獵奏移西師屯成都以實內郡安丙以問炎炎曰雖僅掇目前而有二慮凶年糧不足則聚而逋掠者難制歲久長子孫則浮而驕脆者難用丙然之奏留四分之三不遣資州西門曰珠江侵澗城下炎捐錢千萬築五隄而北之又捐三百萬置鹵井歲收羨爲修隄費劉光祖爲之記又

捐二千萬有奇代民賦葺王子淵諸賢祠築奇文館  
月朔月半屬學士試藝優獎風勵資人謂炎三世守  
此土築世德堂爲生祠祠吏非古生祠又非也亦以  
識懷允之誠耳謝事里居三十年紹定四年卒年八

十有七

鶴山文集  
家君墓誌

趙善待字時舉濮安懿王五世孫也登隆興元年進  
士通判吉州攝郡政時方和羅吉當十萬石吏白本  
錢未降而省符屢趣均之諸縣善待曰今八縣之民  
輸米郡倉斛計八十萬凡水腳等費皆變米得錢市  
商牟利由是傷農其可重擾乎若使以米代錢公私

俱便民果樂從比新守至糴已足以課最除知岳州  
陸辭日論江西旱傷秋苗減放矣督隨苗錢如故無  
所從出必斂於民禁之便孝宗曰卿言是也無母安  
得子乎累官浙東安撫司參議

袁變絜  
齋集

楊方字子直福建長汀人隆興元年進士調弋陽縣  
尉還家待次道崇安謁朱子面受所傳學益進與楊  
簡楊戢俱爲朱門高第時號三楊未赴官改廣州清  
遠主簿提刑使者姚考資檄攝韶州曲江縣事改隆  
興府武寧縣丞清學租積贏以辦祭器爲政平易人  
皆化之轉知靖安縣趙汝愚帥蜀辟王管機宜文字

尋薦於朝除宗正寺主簿歷吉州通判建昌軍知軍  
事淳熙未召爲樞密院編修官首疏乞朝重華宮辭  
甚懇切盜宗立除祕書郎慶元元年出知吉州僞學  
禁興坐朱門黨罷官僑居贛州閉門讀書不接賓客  
所居植淡竹因自號淡軒老叟黨禁解起知撫州未  
數月奉祠歸嘉定初召爲考功郎官復以積忤去踰  
二年臣僚有言方纓介老成不宜閒廢除直寶謨閣  
提點廣西刑獄至則循歷屬部發摘奸貪行至象州  
以疾卒方清修篤孝剛正不阿其後縣令陳顯伯建  
道學六君子祠以方與鄭立中配食焉

福建  
通志

方崧卿字季仲福建莆田人父憲南恩州陽江令憲  
卒七月而崧卿生稍長能自力於學登隆興元年進  
士淳熙三年累轉奉議郎知信州上饒縣初宰相葉  
禹著治縣法一編世服其能崧卿禹婿也能遵行之  
縣凡七十二都保正副一百四十人崧卿令旬分四  
番番三十五人迭詣縣受約束皆給定走厯有故或  
道呼批厯授之無則奉厯而退人不勞而事舉保長  
則揭示當輸之戶及其數五日一集出納明簡上下  
便之先是督鄉司具民之物力高下毋敢不實封文  
書藏之遇當役者爭承則啟封參攷親加詰問情偽

立辨民欣然就役常平使者潘疇以治績聞召赴都  
堂審察遷通判明州十二年春選知南安軍肇新貢  
院條教簡嚴郡人祀之於學光宗登極轉朝奉大夫  
紹熙元年除知吉州吉稱難治崧卿決事如流庭無  
留訟未及期州以大治大蠲積逋以寬民力郡庠故  
有歐陽修祠久廢前守無過而問者崧卿卽後圃創  
六一堂繪像祀之修先壟在屬邑瀧岡下令尉葺治  
復哀修翰墨及集古錄刻於石去吉後凡疑獄滯訟  
經崧卿剖決者一字不可移易其爲政明允如此三  
年徙廣西轉運判官大講鹽筴會計更法之後諸郡



實貨若干漕司歲得若干編爲書十二條上之且曰  
本路民困矣乃推剝以餉武昌又助靖州是謂瘠已  
以肥人請裁其數得旨罷歲解鄂靖錢十一萬緡崧  
卿欲周知一路利病躬冒災瘴徧行湘衡欽廉鬱林  
貴柳等州詢民疾苦以是得渴病求奉祠朝廷憫其  
勞易京西轉運判官以優之五年三月卒於官年六  
十積官至朝請大夫以子信孺恩累贈宣奉大夫崧  
卿風神警邁才具恢宏善治盤錯雖薄物細故皆經  
理有法度同邑林枏嚴於取人惟稱崧卿吏治推贊  
不容口及其卒也蔡越周必大皆以崧卿粗試所長

而不盡其材爲可惜居官凡三十年所得俸賜半以鈔書築聚書堂貯之積卷至四萬有餘皆手自讐校詩文辯麗無陳言追古作者子信孺自有傳

平園續稿方君

墓誌

余亨宗字兼善山陰人登隆興二年進士第洪适帥越聞亨宗行義延至郡齋又偕至番陽與其弟樞密遵內翰適游日以文章爲事嘗爲博學宏詞科所業三洪讀之謂曰他日玉堂揮翰可也宰常州宜興秩滿幹辦諸軍審計司遷國子監主簿軍器監主簿知漳州先是州以鹽抑民計口請給督促其直急於常

賦至有鹽不給而責其直民甚苦之亨宗首罷之又罷溪港津渡之權聽民往來無禁及減去經總制錢後來額外苛取者歲罷緡錢合四萬四千又代民輸丁錢一萬六千有奇秩滿凡橐中所餘悉散之宗族親戚之貧者自漳州還奉祠里居杜門不復出嘉定初起爲提點江淮等路鑄錢公事移江東轉運入爲吏部郎大理少卿祕書少監自以年老乞掛冠章凡六上除直顯謨閣主管成都府玉局觀旣歸累告老增一秩加祕閣修撰如所請嘉定十五年卒年八十九亨宗初爲臨川簿爲文謁廟大概謂肩輿擔負迎

盜於室雖至愚無知者不爲吏郡邑無大小至之日  
民相與出力迎致謂其人足以庇於躬而無害於家  
也庇之不能而害及焉是盜也夫何願而迎其語亨  
宗蓋終身行之自奉儉約衣食器用質素粗充官雖  
稍遂弊屋頽牆處之泰然著述有垂軒稿二十卷宏  
詞習業五卷山林思古錄十卷羣經感發十卷會稽續志  
朱晞顏字子淵休寧城北人登隆興二年進士授當  
陽尉歷知永平廣濟二縣在當陽日設方略捕方湖  
北沌河盜平之及爲永平苗獠悅服民爲立祠知廣  
濟時准右民兵歲調就合肥教閱晞顏致書淮帥令

就各州縣闕習免貧民奔馳道途且緩急可保鄉井從之知興國軍入對論三事皆切直孝宗嘉之除知靖州奏言襄漢通和蜀宜移武昌大軍戍襄陽留水軍以控鄂沔帝甚悅後改知吉州赴闕復上二事其一言西蜀事謂蜀之邊患不在南而在北宜移成都制置司於興元與荆鄂相應擢廣西運判講究鹽筴上便宜事數千言革客鈔科抑之患陞京西轉運判官至襄陽陳備邊便民之策皆深合機宜擢廣西安撫浚靈渠通馬市治城壁南地卑濡城苦不能久乃創新意爲城屋數千間覆之以勞加秩召爲太府少

卿總領江東軍馬錢糧力節浮冗歸奏椿積軍糧招  
刺子弟二事朝廷嘉之遷權工部侍郎兼知臨安府  
仁和縣地多爲官舍軍營而稅額仍舊晞顏請以本  
府餘財代輸報可以疾卒贈宣奉大夫休寧縣開國  
男晞顏至性友愛產業悉推與昆弟官其姪由義由  
道由信而不及其子由義字宜之累官福州都監所  
至以善政稱所著詩有秀軒集新安文獻志  
談綸撰行狀  
陳琦字擇之號克齋臨江人也乾道進士從張栻遊  
主衡陽簿有殺人於野而主名不立提刑鄭丙責主  
者急吏迹一驛卒其襜有血掠訊誣伏琦疑之診尸

得死者稠置曰羅仲美乃懸之衢有見之者曰吾子也與吾族子餘皆商今乃死耶卽命逮餘一訊而服蓋仲美貲倍於餘以此致死而驛卒乃得白柎帥桂林復招入幕邕州歲市大理馬馬來已二千里傳致諸軍又數千里多道死琦令修園而飼之瘠者止良者行後者至先者發自是馬無耗者遷贛縣丞政最知興國縣留正帥蜀辟爲機宜初蜀之民私以楮券爲貨謂之交子至天聖中官始權之再歲一易謂之交界其後有司因以爲弊凡券之微壞者皆沒入之不賂不易蜀之民爲屯十有八所隸之將三士之廩

給當折物爲錢必視其所屯之地稱其土物之直以直之低昂爲錢之多寡故米之估則龍州得仙關之半絹之估則興元得西和州三之一銀之估則大安得龍州之半而過之乃有軍在某州反用他州之估者正憂之謀於琦社交界之奸以信楮券平廩給之估以慰士心蜀人大說朝議欲用爲郡會病卒論者惜之琦負用世才遇事迎刃而解事至不拒事定亦不自有其功與人絕無崖岸而亦不詭從也

江西通志

黃洧字清臣甌寧人以父蔭除知南雄州郡小用度不饒舊常法外重價以取資且權酒酤增稅柵民告



病矣而官用猶不足消至一切罷之人以便安而嘗  
乏事也州故與建饒贛州代輸坑冶司歲貢白金各  
若干兩故事皆取于民以辦公請以郡大小爲差詔  
悉蠲之郡人賴焉乾道四年改廣南東路提舉市舶  
帥守市賈胡香不償直消舉法移州帥愧且懼急召  
歸之更爲轉運判官廣學租禮名士益勸諸生以學  
番禺令近在帥守諸司治所肆意爲姦無按舉者消  
素聞之至是誨厲之不能改乃捕其吏屬劾之反而  
獄具奏上閱實抵罪以去其餘不循法度以病民者  
隨罪大小以次繩治於是一路肅然官吏始知有法

守矣市人困於官估丐奪之擾消爲移書一路罷官  
除市籍百貫得職物價爲平復上奏請均其法于諸  
路詔施行之丁籍久失開收口賦之逋均及鄰伍流  
亡日眾消選吏分行覈其實而除之一路所蠲凡十  
有五萬口流允浸復瀕海蟹戶數萬生理至微亦有  
役于州縣消悉免之按行所部雖烟瘴荒遠無所憚  
訪問疾苦伸理冤抑不可勝計革外銓匿闕徇私之  
弊人無怨言江浙歲飢有旨發二廣義倉米航海詣  
永嘉往時常有此役吏並緣以擾民而米不時達消  
處之有方且并西道所發轉致之不越月而至永嘉

者八萬斛永嘉人焚香迎拜步下曰此廣東運使活我也史正治爲發運使專以括取諸道羨錢爲己功諸道承風聽命不暇消曰嶺外貧薄安得視它路財予緡錢千數正治怒欲陷消爲人告者乃已改使荆湖南路積官朝散郎卒朱熹銘其墓云

粵大記朱子大全集

蒲堯仁字彥性福唐人乾道六年知泰和縣廉白端謹自奉尤薄嘗曰吾不欲以口腹累人間出俸餘散之貧民不爲儲積計縣解火縣人環視歎曰得無爲吾大夫憂乎出力新之不費縣官一錢在任三年未嘗以色假人亦不以言拒人民有訟反復曉以禮義

不得已乃加責人皆樂其寬去之日爭齎錢帛送之

堯仁一無所受

豫章書

張奭字叔保亳人徙家廬陵淳熙中官隆興府決曹  
椽豫章自建炎兵餘民多死徙租賦罅漏貧富倒置  
公私俱病奭白府請檢校冒耕之田府命其檢校新  
建武甯二邑期月得實以報下其法於諸邑郡賦始  
均邑繪像祀之紹熙五年通判洪州以考績三轉至  
朝請郎時趙鞏蔡戡相繼爲帥事無大小悉以屬之  
秩滿除知永州

楊萬里  
撰行狀

李訖字誠之福建晉江人祖邴建炎中避地居泉州

子孫遂籍晉江縣

互見上李綸傳  
父世系未詳

說早慧好學下筆

數千言用祖蔭補承務郎調仙遊縣丞改主管南外  
睦宗院淳熙間史浩再相陳俊卿梁克家咸以手書  
薦說可用除通判漳州時劇寇沈師平而它盜相挺  
於鄰郡說被檄督兵防備郡賴無警安撫使趙汝愚  
以聞乞用說知汀州事雖不行當路益知說才久之  
擢知黃州說入對論邊郡數易之弊請仿漢制令郡  
守兼領武事遵祖宗久任邊將之法孝宗意甚悅紹  
熙元年赴郡值歲大荒出官錢備饑民開內澳六百  
丈民不告病而商舟始有所泊丁父憂慶元二年服

闕知袁州擢節用度儲米幾二萬石擲周濟倉如常  
平法遷夔州路提點刑獄開禧初移荆湖北路轉運  
判官召至行在賜對說首論朝廷政令之更變者數  
事且曰此特其小者爾有大此者苟不謀於眾而遽  
欲徼幸焉人心未一臣恐發之易而收之難是時韓  
侂胄有伐金議故說言及之留爲大理寺少卿尋遷  
正卿鞫獄平允嘗白於執政曰守法者有司之職朝  
廷當從寬典若有司欲僥法是恩歸於已而怨歸於  
上朝廷欲盡法而行則人又無所措手足矣又以徒  
流罪誤出入雖或過差未甚相遠至於當生而死當

死而生相去殊絕請分大辟案爲十其七編麗死比而獲生者以示好生之仁其三編附生比而論死者以存止殺之義遂著爲令未幾權戶部侍郎王師敗績鄧友龍謫居興化蘇師旦謫居衡州訖論友龍首事生豐師旦謀將納賄猶在善地未足蔽辜復抄書侂冑乞顯正其罪始侂冑勉黜二人以道諉而忘常庇之戶部舊有總轄司以鈎考五子司錢物虛實員之數後廢訖請復置之郎官有惡其害已者深侂冑意諛言官劾訖罷歸已而寧宗知其誣起知靖江府兼廣西安撫使時江西賊李元勵未平楚粵邊界皆豎

動訖分兵措置寨柵防守隘要盜不能犯提刑楊方  
嫉惡太嚴多所發摘官吏重足訖謂之曰治道去泰  
甚遐方僻壤士大夫一道按治至有全家流落者方  
悚然由是濟之以寬嘉定改元累加敷文閣待制知  
建寧府詳見  
宦績丐歸昇祠者再除寶文閣待制致仕十  
三年卒年七十有七贈宣奉大夫訖居官不尚詭激  
而惠利可以及民者雖艱鉅爲之若漳之建庵宇給  
閑田以便往來黃之創瓴屋居戍兵以省科擾袁之  
寬過稅優行商以免寇害在夔在桂在建營叢塚築  
銓館架輿梁治道路蠲逋賦散羨錢蓋不可殫書云



西山集

宋煜字伯華莆田人淳熙間知循州嶺南諸郡鬻舍  
悉敝陋煜至卽徹而新之循人士始自力于學州境  
舊多曠土煜令民墾耕奏蠲其租六年遂成沃壤初  
民以茅覆屋恆多火災煜乃量戶高下貸以官錢又  
輟城兵之匠者陶者相其役民用安居以時還所貸  
無一人敢負者先是守將閱城多具文煜案視必親  
月以爲常陳峒盜發倉卒徵旁郡兵獨煜所遣皆素  
練督將倚賴之迄以殄賊尋改知惠州惠有蘇范二  
姓故武斷爲奸利州縣莫能制煜卒窮致其罪豪猾

喘息有富民抵辜援舊比請輸錢以贖煜曰是豈所

以輝惡示懲耶竟論如律又減重額刷逋戶刻虛籍

以蘇積困惠人德之煜孫翊以蔭補得官端平初通

判廣州時崔與之爲帥辟知循州上疏疏曰竊見通判宋翊綿歷

已深廉介有守昨試令之程郊又率惠之歸善一意

撫循安靜無擾邑人至今思之循州介乎二邑之間

凡民情之休戚風土之利病耳目所察罔不備詰今

丞部番禹多籍俾贊委以決事咸謂精明竊惟州郡

擇守最戒貪殘倘使端平二年二月卽獲朝旨命速

翊爲之必有成效之任不許陞辭循與汀梅接壤陳羅之寇甫息而寇

成之黨復張翊到州數日卽糾集官民兵丁扼其要衝卒以俘獻猶復增陴浚隍募兵益戍爲異日慮以

撫綏爲政理尙鎮靜爲規模催科無急符是以循之

細民得以安生樂業與之遺書獎論

書曰循爲南中佳郡今非昔比

矣狐鼠之妖方息鴻雁之居未安茲得通才以當隆  
委出于上簡不勞陛辭慰遠民之望也撫摩爲心鎮  
靜得體元氣充足而外邪自消千里生之寄明年  
得所托矣總未歸華顯之班抑亦在澄清之選

修學增廩秩閱軍政稽版籍禁誣訐獎孝弟減斛面

之取贏罷丁錢之虛額申奏于朝永爲定式不惟當

時之民德之而後政亦視以爲法是年冬梅州復有

小警人心皇皇翊知其變修城壁以嚴保障簡邏謀

以探寇情措置捍禦尤極詳備舊有三寨以守隘口

翊擇其要害合而爲一用力寡而功倍民賴以安

黃志

傅大聲字仲廣仙遊人淳熙十四年進士授福州主簿累遷通判循州適寇起守稱疾大聲調發諸軍奮力鏖戰賊皆潰去未幾餘黨復猖獗諸司專委大聲督捕乃上禦賊數策清使劉強學趨之頒行於廣東遂劾守不職以大聲攝州事尋奏爲眞闔城驩呼曰傅父爾留吾屬有依矣前數月郡圃有老松數株日出紫氣如雲騰空而上及大聲拜守人以爲德政所感守上日有例冊錢干緡卻之郡倉米斛過大大聲手較定减小之在循四年民樂其政相率立祠焉

粵大

記參  
閩書

宋史翼卷二十一終

男樹麟校字